

# Hentikanlah provokasi BR1M

Oleh **ZULKIFLI JALIL**

[pengarang@utusan.com.my](mailto:pengarang@utusan.com.my)

**SESIAPA** pun kena akur politik mengikut eranya. Setiap Perdana Menteri ada eranya.

Politik boleh dimengertikan sebagai perjuangan rakyat yang membentuk sistem hala tuju sesuatu bangsa.

Politik tidak lengkap pengertiannya jika tidak dikaitkan dengan *the art of the possible in government for the good of the majority* atau seni kemungkinan melalui sistem kerajaan bagi tujuan yang baik untuk majoriti.

Dalam hal inilah dikatakan politik itu melibatkan perbuatan meneladani alam sekeliling - manusia dan alam. Belajar dari lampau, memandang kepada yang baik.

Politik bersandar kepada sentimen dan perasaan orang ramai selain ketokohan dan kepupayaan pimpinan seseorang. Selagi orang ramai dapat menghayati dan berasa diperintah dengan bermanfaat, selama



itulah politik sesuatu kumpulan itu diterima dan disokong.

Kalau Bantuan Rakyat 1Malaysia (BR1M) pun hendak dipolitikkan sebagai kononnya rasuah, dakwaan sedemikian hanyalah untuk menabur kebencian rakyat.

BR1M adalah ilham pihak Bank Negara dan Perdana Menteri, Datuk Seri Najib Tun Razak merealisasikannya.

BR1M merupakan cadangan jawatankuasa fiskal dan Bank Negara. Matlamatnya untuk tolong 40 peratus rakyat berpendapatan rendah. Bukannya nak beli undi dan maksud politik.

Bantuan ini adalah jaringan sosial rakyat dan menjadi kaedah kerajaan memindahkan kekayaan jangka pendek negara kepada orang ramai.

Tiada pensyarah politik, walau bagaimana melangit seka-

**Tiada pensyarah politik, walau bagaimana melangit sekalipun ilmu kajian sains politik yang dipelajarinya - yang upaya mengajar ilmu politik sedalam dan seluas pengalaman yang telah dialami oleh seseorang pengamal politik.**

lipun ilmu kajian sains politik yang dipelajarinya - yang upaya mengajar ilmu politik sedalam dan seluas pengalaman yang telah dialami oleh seseorang pengamal politik.

Pengalaman dalam hal ini adalah guru yang paling berkesan.

Hentikanlah...cukup-cukuplah memprovokasi BR1M.